

ბასტი ბუბუ
ვაჟა-ფშაველა 76ბ,
თბილისი, საქართველო
(995 32) 230 32 20



Basti Bubu
Vaja-Pshavela Ave. 76b
Tbilisi, Georgia
(995 32) 230 00 41

საქართველოს კომუნიკაციების ეროვნული კომისიის
თავმჯდომარეს, ბატონ ვახტანგ აბაშიძეს
ქ. თბილისი
28.04.2017 წ

მაუწყებლობის შესახებ საქართველოს კანონის 70-ე მუხლი მე-3 პუნქტის
შესაბამისად მოგახსენებთ, რომ:

- 1) ამ შეტყობინების წარდგენამდე ჩვენს ორგანიზაციაში მოქმედ
თვითრეგულირების ორგანოში საჩივარი არ შემოსულა;

ჩვენს სატელევიზიო არხზე “BBB” (ბასტი ბუბუ ბროდქასტინგ) ძირითადად
გადაიცემოდა გადაცემები 4 სამიზნე ჯგუფისთვის:

S - სათამაშო გადაცემები 0-5 წლის ბავშვებისთვის;

M - მასწავლებელი გადაცემები 6-7 წლის ბავშვებისთვის;

L- გადაცემები ლიდერებისთვის 8 - 13 წლის ბავშვებისთვის;

U - უფროსებისთვის ანუ გადაცემები მშობლებისთვის.

8:00 დან 9:00 საათამდე სათამაშო გადაცემები

9:00 დან 9:45 საათამდე მასწავლებელი გადაცემები

9:45 დან 10:00 საათამდე გადაცემები ლიდერებისთვის

ეს ოთხსაათიანი ბლოკი მეორდება დღის განმავლობაში;

14:00 საათიდან 17:00 საათამდე არის მშობლებისთვის განკუთვნილი ზოლი
სათაურით, მათთვის ვინც სახლშია. ეს არის ძირითადად დიასახლისებზე
გათვლილი გადაცემები.

ასევე ეთერში გადაიცემა ბასტი ბუბუს არქივი და ანიმაციური ფილმები: Lala
Loops, Shopkins , pepa pig, MALI PONI, winx და Transpormers.

- 2) 2017 წლისათვის სატელევიზიო არხზე “BBB” ვგეგმავთ სამი გადაცემის
დამზადებას: ბაბილინას მუსიკალური ზღაპრები 0-6 წლის
ბავშვებისთვის, გოგინას შოუ 6-10 წლის ბავშვებისთვის და სერიალი
„BBB აკადემია“ 10-14 წლის ბავშვებისთვის, ჩვენი სამომავლო კონცეფცია

არის სტუდიის ბაზაზე ახალი სასწავლო ასაკობრივი პროგრამების შექმნა და ამ პროგრამების ბაზაზე ზემოთაღნიშნული გადაცემების დამზადება.

- 3) ჩვენი ორგანიზაციის დაფინანსების წყარო არის სტუდიის შემოსავალი, ასევე მცირე რაოდენობით სარეკლამო შემოსავლები

აქვე ვადასტურებთ, რომ ჩვენი ორგანიზაცია მოქმედებდა და შესაბამისად მაუწყებლობდა საქართველოს კანონმდებლობის, ზემოთხსენებული კანონისა და ასევე ქვეყნის კოდექსის მოთხოვნათა სრული დაცვით.

შეტყობინებას თან ერთვის აუდიტის დასკვნა დანართ #1

პატივისცემით,

პაატა ამონაშვილი
დირექტორი

ს. მ.



შპს ბასტი-ბუბუს (ს/ნ 204870979)

ხელმძღვანელობას:

დასკვნა ფინანსური ანგარიშგების აუდიტზე

მოსაზრება

„აუდიტ ლუქს სერვისი“-ს (ს/კ 400092760) მიერ (SARAS-F-844250 License Z # 6/376) ჩატარებულია შპს ბასტი-ბუბუს (ს/ნ 204870979) თანდართული ფინანსური ანგარიშგების აუდიტი, რომელიც მოიცავს 2016 წლის 31 დეკემბრის მდგომარეობით მომზადებულ ფინანსური მდგომარეობის ანგარიშგებას, აგრეთვე სრული შემოსავლისა და ფულადი სახსრების მოძრაობის ანგარიშგებებს ამავე თარიღით დასრულებული წლებისათვის, მნიშვნელოვანი სააღრიცხვო პოლიტიკის მიმოხილვას და სხვა განმარტებით შენიშვნებს.

ჩვენი აზრით, წარმოდგენილი ფინანსური ანგარიშგება უტყუარად და სამართლიანად ასახავს შპს ბასტი-ბუბუს (ს/ნ 204870979) ფინანსურ მდგომარეობას 2016 წლის 31 დეკემბრისათვის, ასევე მისი საქმიანობის შედეგებს და ფულადი სახსრების მოძრაობას იმ საანგარიშგებო წლისათვის, რომელიც დასრულდა მოცემული თარიღით, ფინანსური ანგარიშგების საერთაშორისო სტანდარტების შესაბამისად.

მოსაზრების საფუძველი

ჩვენ დამოუკიდებელი ვართ შპს ბასტი-ბუბუს (ს/ნ 204870979) იმ ეთიკური ნორმების შესაბამისად, რომლებიც ეხება ჩვენ მიერ ჩატარებულ ფინანსური ანგარიშგების აუდიტს; გარდა ამისა, შევასრულეთ ამ ნორმებით გათვალისწინებული სხვა ეთიკური ვალდებულებებიც.

აუდიტი ითვალისწინებს პროცედურების საფუძველზე მტკიცებულებების მოპოვებას ფინანსურ ანგარიშგებაში მოცემული თანხებისა და ინფორმაციის დადასტურების მიზნით. შერჩეული პროცედურები ეფუძნება აუდიტორის მსჯელობას, რომელიც მოიცავს ფინანსურ ანგარიშგებაში თაღლითობის ან შეცდომის შედეგად გამოწვეული უზუსტობების რისკის შეფასებას. აღნიშნული რისკების შეფასებისას აუდიტორი განიხილავს კომპანიის შიდა კონტროლის სისტემას, რომელიც შესაბამისია ფინანსური ანგარიშგების მომზადებასა და სამართლიან წარდგენასთან. ამის საფუძველზე აუდიტორი გეგმავს შესაბამის აუდიტორულ პროცედურებს, მაგრამ არ გამოხატავს თავის მოსაზრებას შპს ბასტი-ბუბუს შიდა კონტროლის სისტემის ეფექტურობის შესახებ. აუდიტი აგრეთვე გულისხმობს ფინანსური ანგარიშგების მომზადებისას ხელმძღვანელობის მიერ გამოყენებული ბუღალტრული

აღრიცხვის პრინციპებისა და მნიშვნელოვანი ბუღალტრული შეფასებების სისწორის შეფასებას, აგრეთვე წარმოდგენილი ფინანსური ანგარიშგების მთლიანად შეფასებას.

გვჯერა, რომ ჩვენ მიერ მოპოვებული აუდიტორული მტკიცებულებები საკმარისი და შესაფერისია ჩვენი მოსაზრების გამოთქმისთვის აუცილებელი საფუძვლის შესაქმნელად.

მენეჯმენტის პასუხისმგებლობა ფინანსურ ანგარიშგებაზე

ხელმძღვანელობა პასუხისმგებელია ფინანსური ანგარიშგების მომზადებასა და მის სამართლიან წარდგენაზე ფინანსური ანგარიშგების საერთაშორისო სტანდარტების მიხედვით; ასევე ისეთი შიდა კონტროლის სისტემის შექმნასა და გამოყენებაზე, რომელიც შპს ბასტი-ბუბუს ხელმძღვანელობის რწმენით, უზრუნველყოფს ისეთი ფინანსური ანგარიშგების მომზადებას, რომელიც არ შეიცავს თაღლითობის ან შეცდომის შედეგად წარმოშობილ არსებით შეცდომებს.

აუდიტორთა პასუხისმგებლობები

ჩვენს პასუხისმგებლობაში შედის, გამოვთქვათ მოსაზრება ფინანსურ ანგარიშგებაზე ჩვენს მიერ ჩატარებული აუდიტის საშუალებით. აუდიტს წარვმართავდით აუდიტის საერთაშორისო სტანდარტების შესაბამისად. სტანდარტები მოითხოვს აუდიტის იმგვარად დაგეგმვასა და ჩატარებას, რომ მივიღოთ დასაბუთებული გარანტია იმისა, შეიცავს თუ არა აღნიშნული ფინანსური ანგარიშგება არსებით უზუსტობებს.

დირექტორი

გარიგების პარტნიორი
ირინე დავრასელიძე



18 აპრილი 2017 წ